



**UDRUŽENJE POSLODAVACA U  
FEDERACIJI BOSNE I HERCEGOVINE I  
SAVEZ SAMOSTALNIH SINDIKATA  
BOSNE I HERCEGOVINE**

**1603**

Na osnovu člana 137. stav 2, člana 144. Zakona o radu Federacije BiH ("Službene novine Federacije BiH", broj 26/16) i člana 23. Općeg kolektivnog ugovora za teritoriju Federacije BiH ("Službene novine Federacije BiH" broj 48/16), Udruženje poslodavaca u Federaciji Bosne i Hercegovine, na strani poslodavaca Federacije Bosne i Hercegovine i Savez samostalnih sindikata Bosne i Hercegovine, na strani radnika Federacije Bosne i Hercegovine, zaključuju

**OPĆI KOLEKTIVNI UGOVOR  
O IZMJENAMA OPĆEG KOLEKTIVNOG UGOVORA  
ZA TERITORIJU FEDERACIJE  
BOSNE I HERCEGOVINE**

Član 1.

U Općem kolektivnom ugovoru za teritoriju Federacije Bosne i Hercegovine ("Službene novine Federacije BiH", broj 48/16) u preambuli riječi: ("Službene novine Federacije BiH", broj 62/15)" se zamjenjuju sa riječima: ("Službene novine Federacije BiH", broj 26/16)".

Član 2.

Ovaj kolektivni ugovor, nakon zaključivanja, objavljuje se u "Službenim novinama Federacije BiH", a stupa na snagu narednog dana od dana objavljivanja.

Broj I-203/16  
27. jula/srpnja 2016. godine  
Sarajevo

Broj 01-III-336/16  
27. jula/srpnja 2016. godine  
Sarajevo

Udruženje poslodavaca u  
Federaciji BiH  
Predsjednik  
**Adnan Smailbegović, s. r.**

Savez samostalnih  
sindikata BiH  
Predsjednik  
**Ismet Bajramović, s. r.**

**REGULATORNI ODBOR ŽELJEZNICA  
BOSNE I HERCEGOVINE**

**1604**

Na osnovu člana 8. tačka A. stav 1 i 2. Zakona o željeznicama BiH ("Službeni glasnik BiH", br. 52/05), Regulatorni odbor željeznica BiH donosi

**PRAVILNIK<sup>1</sup>  
O ODRŽAVANJU PARNIH LOKOMOTIVA ŠIRINE  
KOLOSIJEKA 1435 mm**

**I. OPĆE ODREDBE**

Član 1.

(Predmet Pravilnika)

- (1) Ovim Pravilnikom propisuje se tehničke odredbe koje se odnose na održavanje parnih lokomotiva uvrštenih u vozni park željezničkih operatera (u daljem tekstu: ŽO) i upravitelja infrastrukture (u daljem tekstu: UI) u željezničkom sistemu Bosne i Hercegovine (u daljem tekstu: ŽS BiH).
- (2) Ukoliko neka materija iz oblasti održavanja parnih lokomotiva nije potpuno definirana ovim Pravilnikom postupa se u skladu sa aktima kojim se osigurava sigurnost željezničkog saobraćaja.

Član 2.

(Primjena Pravilnika)

Odredbe ovog Pravilnika odnose se na željeznička vozila normalnog kolosijeka uvrštena u park ŽO i UI u ŽS BiH, i to na vučna vozila - parne lokomotive.

Član 3.

(Osnovni pojmovi)

- (1) U Pravilniku se koriste slijedeći pojmovi:
  - 1) "**željeznički sistem**" označava ukupnost podsistema u strukturnim i operativnim oblastima, kao i upravljanje i operativno funkcioniranje sistema kao cjeline;
  - 2) "**upravljач infrastrukture**" (**UI**) je svako javno poduzeće ili kompanija koja je odgovorna za uspostavljanje i održavanje javne željezničke

<sup>1</sup> Pravilnik objavljen u "Službenom glasniku BiH", broj 58/16